

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI SUD U BIHAĆU
Broj: 001-0-Su-26-000 170
Bihać, 05.02.2026. godine

IZVJEŠTAJ O RADU
KANTONALNOG SUDA U BIHAĆU ZA 2025. GODINU

Sadržaj:

I – UVOD.....	3
1. ORGANIZACIONA STRUKTURA SUDA.....	3
II - OSTVARENA NORMA	4
III - OSTVARENI KVALITET RADA	4
IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA	6
1. IZVRŠNI REFERAT.....	8
2. KRIVIČNI REFERAT.....	8
3. PARNIČNI REFERAT.....	9
4. PRIVREDNI REFERAT	9
5. UPRAVNI REFERAT.....	10
6. VANPARNIČNI REFERAT.....	10
7. ZEMLJIŠNOKNJIŽNI REFERAT	11
8. APELACIJE.....	11
V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA	11
VI - OSTVARENI REZULTATI U RADU NA STARIM PREDMETIMA.....	11
1. REALIZACIJA PLANOVA RADA	13
VII - NEDOVOLJAN BROJ PREDMETA U RADU	14
VIII - TRAJANJE POSTUPKA	14
1. PREDVIDIVI I OPTIMALNI ROKOVI.....	15
IX - PREDMETI RATNIH ZLOČINA	16
X - PREDMETI KORUPCIJE I ORGANIZOVANOG KRIMINALA	17
XI - ZASTARA PREDMETA	16
XII - ZAKLJUČNA ZAPAZANJA O RADU I USLOVIMA RADA SUDA U 2024. GODINI	18
XIII - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA.....	19
XIV - AKTIVNOSTI PODUZETE U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUDU BIH I POSTIGNUTI REZULTATI.....	19
XV - INFORMACIJA O ODRŽANIM SASTANCIMA SA NOTARIMA	20
XVI - PLANIRANE MJERE ZA POBOLJŠANJE.....	20

I – UVOD

1. ORGANIZACIONA STRUKTURA SUDA

Pravilnikom o unutrašnjoj organizaciji Kantonalnog suda u Bihaću broj: 001-0-Su-17-001075 od 22.02.2018. godine i Pravilnikom o izmjenama i dopunama Pravilnika o unutrašnjoj organizaciji Kantonalnog suda u Bihaću broj: 001-0-19-000703 od 15.10.2019. godine, broj: 001-0-Su-19-000924 od 26.12.2019. godine, broj: 001-0-Su-20-000435 od 26.05.2020. godine i broj: 001-0-Su-22-000365 od 16.05.2022. godine, utvrđeno je da Kantonalni sud u Bihaću poslove iz svoje nadležnosti obavlja putem dvije osnovne organizacione jedinice i to:

1. Odjeljenja sudaca: Krivično odjeljenje i Gradansko odjeljenje
2. Odjeljenje sudske uprave koje u svom sastavu ima dvije unutrašnje organizacione jedinice: Pisarnicu i Računovodstvo i jednog samostalnog izvršioca i to stručnog savjetnika-psihologa.

Prema odluci VSTV-a, u Sudu su sistematizovana mjesta za 18 (osamnaest) redovnih sudija i 10 (deset) dodatnih sudija. Međutim, ovaj sud nikad nije bio popunjen ovolikim brojem sudija. Ranijih godina imao je dva dodatna suca, a od 2022. godine nije imenovan dodatni sudija. 2025. godinu sud je počeo sa 13 redovnih sudija. U toku godine (septembar mjesec) prestao je mandat jednoj sutkinji koja je razriješena dužnosti sudije na lični zahtjev, dok je novoimenovani sudija sa radom počeo u novembru mjesecu, tako da je na dan 31.12.2025. godine ovaj sud imao također 13 redovnih sudaca.

Odjeljenje sudaca formirano je u skladu sa odredbom člana 16. Pravilnika o unutrašnjem sudskom poslovanju („Službeni glasnik BiH“, br. 66/12, 40/14, 54/17, 60/17 i 30/18) radi odlučivanja o stvarima iz iste ili više srodnih pravnih oblasti.

Sastav sudskih odjeljenja i utvrđivanje vrste predmeta kojima se suci zadužuju, sastav sudskih vijeća po odjeljenjima, imenovanje predsjednika odjeljenja, dežurnih sudaca, raspored stručnih saradnika, imenovanje suca koji će zamjenjivati predsjednika suda u slučaju odsutnosti, utvrđuje predsjednica suda Odlukom o godišnjem rasporedu poslova.

Poslove iz nadležnosti suda propisane članom 28. Zakona o sudovima u Federaciji Bosne i Hercegovine („Službene novine F BiH“, br. 38/05, 22/06, 63/10, 72/10, 7/13 i 52/14), u 2025. godini obavljala su dva odjeljenja sudaca i to: Krivično odjeljenje i Gradansko odjeljenje.

Prema rasporedu poslova za 2025 godinu Krivično odjeljenje činila su četiri suca sa tzv. „pridruženim članovima“, sucima iz gradanskog odjeljenja, koji su učestvovali u radu krivičnih vijeća i kao dežurni suci za prethodni postupak. Gradansko odjeljenje činilo je devet sudaca sa jednim „pridruženim članom“ iz krivičnog odjeljenja (u radu ovog odjeljenja učestvuje i predsjednica suda i suci sa upravnog referata).

Za obavljanje poslova osnovne djelatnosti, dopunske poslove osnovne djelatnosti i poslove pomoćnih djelatnosti u Sudu, Pravilnikom o unutrašnjoj organizaciji sistematizovana su ukupno 43 izvršioca i to: 10 državnih službenika i 33 namještenika. Struktura državnih službenika i namještenika u sudu na dan 31.12.2025. godine, izgledala je ovako: državnih službenika 6, namještenika 24 ili ukupno 30 državnih službenika i namještenika.

Budžetom Unsko-sanskog kantona za 2025. godinu sudu su odobrena sredstva u ukupnom iznosu od 3.646.176 KM, na pretpostavljeni broj od 51 zaposlenika, a koji je rebalansom

povećan na 3.700.176 KM. U pogledu materijalnog poslovanja sud se uklapao u okvire stavki dodijeljenih mu budžetskih sredstava.

II - OSTVARENA NORMA

Kolektivna norma ovog suda ostvarena u 2025. godini je 125,03% (2024. godine kolektivna norma bila je 117, 13%) što je izuzetno dobar rezultat.

Ostvarena norma po sucima predstavljena je u sljedećoj tabeli:

R/b	Ime i prezime suca	Funkcija	Procent orijentacione norme koju je nosilac pravosudne funkcije dužan ostvariti	Ukupno ostvarena orijentaciona norma u 2025. godini
1.	Fata Nadarević	Predsjednica suda	30%	357,82%
2.	Muhamed Cimirotić	Predsjednik odjeljenja	70%	117,49%
3.	Fikret Hodžić	Predsjednik odjeljenja	90%	124,25%
4.	Ammra Džafić-Dželalagić	Sutkinja	100%	125,40%
5.	Bahra Ćoralić	Sutkinja	100%	105,16%
6.	Dino Muslić	Sudija	100%	115,00%
7.	Edita Rekić-Midžić	Sutkinja	100%	101,69%
8.	Fikreta Hadžić	Sutkinja	100%	112,43%
9.	Goran Majanović	Sudija	100%	100,06%
10.	Jasmina Lipovača	Sutkinja	100%	101,48%
11.	Osman Alibabić	Sudija	100%	106,08%
12.	Vlatka Ivaniš	Sutkinja	100%	101,01%
13.	Adis Abdić	sudija	100%	100,64%
14.	Rusmira Kudić	Sutkinja	100%	81,97%

Ostvarena kolektivna norma na nivou suda od 125,03% kao i individualna norma sudaca, pokazatelj je stalnog nastojanja da se ažurnost suda postavi na zavidan nivo. Normu od preko 100% ostvarile su sve sudije ovog suda osim jedne sutkinje kojoj je mandat prestao 26.09.2025. godine, a što je uticalo na ostvarenje norme manje od 100%. Novoimenovani sudija koji je počeo sa radom u toku novembra mjeseca ostavario je potrebnu normu za period rada u ovom sudu.

III - OSTVARENI KVALITET RADA

Ukupan broj sudskih odluka na koje se može izjaviti pravni lijek, ukupan broj ožalbenih odluka, broj odbačenih pravnih lijekova, broj potvrđenih odluka, broj preinačenih odluka, broj preinačenih odluka nakon održanog glavnog pretresa ili glavne rasprave pred drugostepenim sudom, broj ukinutih i djelimično ukinutih odluka predstavljaju parametre koji u međusobnom odnosu daju podatak o kvalitetu sudskih odluka ukupno, odnosno po pojedinim referatima i sudijama. Kvalitet sudskih odluka obračunat je u skladu sa članom 18. Kriterija za ocjenjivanje rada sudija u BiH i člana 17. Kriterija za ocjenjivanje rada predsjednika sudova i predsjednika sudskih odjeljenja po sljedećoj formuli: $75\% \cdot (\text{ukupan broj ožalbenih odluka} - \text{broj ukinutih odluka} - \text{broj djelimično ukinutih odluka} / 2) / \text{ukupan broj ožalbenih odluka} + 25\% \cdot (\text{broj donesenih odluka na koje se može izjaviti pravni lijek} - \text{broj preinačenih odluka donijetih nakon održane glavne rasprave ili pretresa pred drugostepenim sudom} - \text{broj ukinutih odluka} - \text{broj djelimično ukinutih odluka} / 2) / \text{Broj donesenih odluka na koje se može izjaviti pravni lijek})$.

Polazeći od navedenog, ukupan kvalitet sudskih odluka u 2025. godini je 88,99%, a koji je bolju od ukupnog kvaliteta sudskih odluka u 2024. godini (86,51%).

Pokazatelj kvaliteta dat je u slijedećoj tabeli:

Godina	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostepenim sudom	Broj ukinutih odluka	Broj djelimično ukinutih odluka	Kvalitet sudskih odluka
I	II	III=V+VI+VII+VIII+IX	IV	V	VI	VII	VIII	IX	X
2025	1362	221	96	172	15	0	31	3	88,99%
2024	1360	292	126	213	29	0	48	2	86,51%

Kvalitet sudskih odluka po vrstama predmeta/referatima:

Vrsta predmeta	Broj donesenih odluka na koje se može izjaviti pravni lijek	Ukupan broj ožalbenih odluka	Broj odbačenih pravnih lijekova	Broj potvrđenih odluka	Broj preinačenih odluka	Broj preinačenih odluka donesenih nakon održane glavne rasprave ili pretresa pred drugostep. sudom	Broj ukinutih odluka	Broj djelimično ukinutih odluka	Kvalitet sudskih odluka
	I	II=IV+V+VI+VII+VIII	III	IV	V	VI	VII	VIII	IX
Gradansko odjeljenje:									
GŽ	368	61	56	46	6	0	7	2	90,17%
PŽ	92	20	11	14	3	0	2	1	90,43%
Rsž	73	8	20	7	1	0	0	0	100,00%
U	296	46	5	44	2	0	0	0	100,00%
Ostalo	330	4	2	2	0	0	2	0	64,81%
Ukupno:	1159	139	94	113	12	0	11	3	93,38%
Krivično odjeljenje:									
K	46	22	0	12	2	0	8	0	69,33%
K-Rz	3	2	0	2	0	0	0	0	100,00%
Kž	0	0	1	0	0	0	0	0	
Kžk	0	3	0	2	1	0	0	0	100,00%
Kv	72	53	0	42	0	0	11	0	80,89%
Kpp	17	1	0	0	0	0	1	0	28,24%
Ostalo	65	1	1	1	0	0	0	0	100%
Ukupno:	203	82	2	59	3	0	20	0	79,97%
Sveukupno:	1362	221	96	172	15	0	31	3	88,99%

Kvalitet sudskih odluka po nosiocima pravosudne funkcije:

Ime i prezime suca	Broj donesenih odluka na koje se može izjaviti pravni lijek	Broj odbačenih pravnih ilicikova	Ukupan broj potvrđenih, preinačenih i ukinutih odluka	Broj potvrđenih odluka	Broj preinačenih odluka	Broj preinačenih odluka- rasprava	Broj ukinutih odluka	Broj djelimično ukinutih odluka	Kvalitet sudskih odluka u 2025. godini	Kvalitet sudskih odluka u 2024. godini
Fata Nadarević	80	10	17	13	2	0	1	1	93,26%	100,00%
Muhamed Cimirotić	53	14	10	8	1	0	1	0	92,43%	82,67%
Fikret Hodžić	25	0	11	6	1	0	4	0	69,75%	64,23%
Ammra Džafić- Dželalagić	312	2	5	2	1	0	2	0	71,81%	-
Bahra Čoralić	180	3	24	23	0	0	1	0	96,92%	90,89%
Dino Muslić	116	7	30	25	2	0	2	1	93,52%	88,87%
Edita Rekić-Midžić	77	10	9	5	1	0	2	1	79,58%	100,00%
Fikreta Hadžić	180	21	41	34	3	0	4	0	92,50%	86,02%
Goran Majanović	91	10	13	12	1	0	0	0	100,00%	89,45%
Jasmina Lipovača	69	2	27	18	0	0	9	0	72,75%	80,38%
Osman Alibabić	18	1	5	4	0	0	1	0	84,33%	62,30%
Vlatka Ivaniš	114	11	18	13	3	0	2	0	91,70%	95,08%
Adis Abdić	6	0	0	0	0	0	0	0	-	-
Rusmira Kudić	41	5	9	8	0	0	1	0	91,49%	100,00%
Ostale sudije	0	0	2	1	0	0	1	0	-	-
U k u p n o:	1362	96	221	172	15	0	31	3	88,99%	86,51%

Kako se vidi iz tabelarnog pregleda kvaliteta rada suda, ukupno po vrstama predmeta i po nosiocima pravosudne funkcije, može se zapaziti porast kvaliteta sudskih odluka u odnosu na 2024. godinu, kao i povećanje kvalitete sudskih odluka kod nekih od sudaca ali i pad kvalitete sudskih odluka kod drugih sudaca. Broj potvrđenih odluka u 2025. godini je manji (171) u odnosu na taj broj u prethodnoj godini (213), ali je i manji broj ukinutih odluka (31) u odnosu na 2024. godinu (48). Kvalitet sudskih odluka suda u 2025. godini u procentu od 88,99% je veći u odnosu na kvalitet odluka u 2024. godini koji je bio 86,51%.

U odnosu na 2024. godinu evidentno je poboljšanje u kvaliteti sudskih odluka kako na građanskom referatu koji iznosi 93,38% (u 2024. godini iznosio 92,22%) tako i na krivičnom referatu od 79,97% u odnosu na 2024. godinu (71,21%).

IV - OSTVARENI REZULTATI U POGLEDU BROJA RIJEŠENIH I NERIJEŠENIH PREDMETA

Prema dobivenim statističkim podacima, sud je tokom 2025. godine imao u radu ukupno 3.839 predmeta, od toga je 627 predmeta preneseno iz 2024. godine, a 3.212 predmeta primljeno je u izvještajnom periodu. Od ukupno 3.839 predmeta u radu, riješeno je 3.247 predmeta ili 84,58% (2024.-3.106 ili 83,20%) dok su na kraju godine ostala neriješena 592 predmeta ili 15,42% (2024.-627 ili 16,80%).

Uporedni podaci protoka predmeta za 2024. i 2025. godinu prikazani su u slijedećoj tabeli:

Godina	Preneseno	Primljeno	Ukupno u radu	Riješeno	Neriješeno	Umanjenje
2025	629	3.212	3.839	3.247	592	-35
2024	609	3.124	3.733	3.106	627	+18

Može se uočiti da je u odnosu na 2024. godinu u 2025. godini došlo do povećanja priliva predmeta (88 predmeta više) kao i do povećanja ukupnog broja predmeta u radu (106) te broja riješenih predmeta (141) a što je dovelo do smanjenja broja neriješenih predmeta na kraju godine za 35 predmeta u odnosu na 2024. godinu koja je završila sa 18 predmeta više na kraju nego na početku godine.

U slijedećoj tabeli prikazana su najznačajnija odstupanja priliva predmeta u odnosu na 2024. godinu:

Referat	Primljeno u 2025. godini	Primljeno u 2024. godini	Razlika
Izvršni	238	242	-4
Krivični	687	642	+45
Parnični	811	763	+48
Prekršajni	301	200	+101
Privredni	125	161	-36
Su-Ap	90	45	+45
Upravni	466	489	-23
Vanparnični	393	467	-74
Zemljišno-knjižni	101	115	-14
U k u p n o:	3212	3124	+ 88

Iz tabelarnog prikaza vidljivo je da je u 2025. godini u odnosu na 2024. godinu povećan broj primljenih predmeta za ukupno 88 predmeta. Do značajnijeg povećanja primljenih predmeta došlo je na prekršajnom referatu (101 predmet), parničnom (48 predmeta) krivičnom i Su-Ap predmetima (po 45 predmeta), dok je ove godine znatnije smanjen broj zaprimljenih predmeta na vanparničnom (74 predmeta), privrednom (36 predmeta), upravnom referatu (23 predmeta) i zemljišno knjižnom (14 predmeta).

Najznačajnija odstupanja u prilivu predmeta, vezano za vrste predmeta prikazana su u slijedećoj tabeli:

Vrsta predmeta-faza	Primljeno u 2025. godini	Primljeno u 2024. godini	Razlika
K-Kpp	103	83	+20
K-K	26	39	-13
K-Kv	97	83	+14
K-Kž	335	293	+42
Pr-Pžp	289	191	+98
I-Gž	89	112	-23
Rs-Rsž	121	87	+34
P-Gž	522	507	+15
Ps-Pž	77	114	-37
U-U	452	466	-14
V-Gž	69	90	-21
V-V	298	357	-59
Su-Ap	90	45	+45

Po vrstama i fazi predmeta, povećan je priliv predmeta na K-Kpp, K-Kv, K-Kž, Pr-Pžp, P-Gž, Rs-Rsž i Su-Ap, dok je smanjen priliv predmeta na K-K, Ps-Pž, I-Gž, U-U, V-Gž i V-V predmetima.

Posmatrano po referatima, rezultati rada suda su slijedeći:

1. IZVRŠNI REFERAT

Statistički pokazatelji na ovom referatu su slijedeći: od ukupno 287 predmeta u radu (49 predmeta je preneseno iz 2024. godine, a u 2025. godini je primljeno 238 predmeta) u izvještajnom periodu su riješena 238 predmeta, a 49 predmeta nije riješeno, što znači da je ostao isti broj neriješenih predmeta kao na kraju 2024.godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
I-Gž	16	89	105	88	17	+1
Ip-Pž	5	34	39	32	7	+2
Mal-Gži	5	24	29	26	3	-2
P-Gži	18	75	93	77	16	-2
Ps-Pžip	2	6	8	4	4	+2
Rs-Rsži	0	3	3	2	1	+1
V-Gži	3	7	10	0	1	-2
Ukupno:	49	238	287	238	49	0

2. KRIVIČNI REFERAT

Iz 2024. godine u 2025. godinu preneseno je 107 neriješenih krivičnih predmeta, a u 2025. godini ih je primljeno 687, pa su u radu bila ukupno 794 predmeta, od kojih je 690 predmeta riješeno, a 104 predmeta ostalo je neriješeno, što je za 3 neriješena predmeta manje u odnosu na 2024godinu.

U odnosu na vrstu predmeta rezultati rada su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
K-Iksž	0	23	23	23	0	0
K-K	42	26	68	36	32	-10
K-Kbs	0	4	4	3	1	+1
K-Kp	0	3	3	3	0	0
K-Kpp	0	103	103	103	0	0
K-Kps	13	18	31	19	12	-1
K-Kv	5	97	102	92	10	+5
K-Kvl	3	1	4	3	1	-2
K-Kž	40	335	375	334	41	+1
K-Kžk	2	2	4	2	2	0
K-Mpom	2	68	70	66	4	+2
K-R	0	6	6	5	1	+1
Km-Kmž	0	1	1	1	0	0
Ukupno:	107	687	794	690	104	-3

Suci Krivičnog odjeljenja riješili su i 292 predmeta prekršajnog referata od ukupno 311 predmeta koliko ih je bilo u radu, tako da je na kraju 2025. godine ostalo neriješeno 19 predmeta, što je za 9 neriješenih predmeta više nego na kraju 2024. godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Pr-Pžp	9	289	298	280	18	+9
Pr-Pžpr	0	3	3	2	1	+1
Pr-R	1	9	10	10	0	-1
Ukupno:	10	301	311	292	19	+9

3. PARNIČNI REFERAT

Najveći broj predmeta evidentiranih u ovom sudu odnosi se na drugostepene parnične predmete zbog čega je ovom vrstom predmeta zaduživano devet sudaca iz Gradanskog odjeljenja, koji uz ove predmete, postupaju i u drugostepenim izvršnim, vanparničnim i zemljišno-knjižnim predmetima, a u manjem broju i upravnim predmetima.

U radu na ovim predmetima, sa ravnomjernim udjelom u raspodjeli predmeta, učestvuje i predsjednica suda.

Prema dobijenim statističkim pokazateljima ukupan broj parničnih predmeta u radu bio je 974 (preneseno iz 2024. godine 163 predmeta, primljeno u 2025. godini 811 predmeta). Od toga je u izvještajnom periodu riješeno 795 predmeta, dok je 179 predmeta ostala neriješena što je za 16 predmeta više u odnosu na 2024. godinu.

Posmatrano po vrsti predmeta rezultati rada su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Mal-Gvl	0	3	3	2	1	+1
Mal-Mož	0	1	1	1	1	0
Mal-Gž	33	120	153	131	22	-11
P-Gvl	2	22	24	19	5	+3
P-Gž	114	522	636	522	114	0
P-Mož	0	15	15	13	2	+2
Rs-Mož	0	2	2	2	0	0
Rs-Rsvl	0	1	1	1	0	0
Rs-Rsvlž	0	1	1	0	1	+1
Rs-Rsž	12	121	133	100	33	+21
Ukupno:	163	811	974	795	179	+16

4. PRIVREDNI REFERAT

U oblasti privrednih sporova prema dobijenim statističkim podacima stanje je slijedeće: iz 2024. godine je preneseno 40 predmeta, u 2025. godini je primljen 125 predmet pa je u radu bilo ukupno 165 predmeta. Od toga je riješeno 149 predmeta, dok je 16 predmeta ostalo neriješeno, što je manje za 24 neriješenih predmeta u odnosu na 2024. godinu.

Posmatrano po vrsti predmeta rezultati su slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Mals-Pvl	0	1	1	1	0	0
Mals-Pž	10	28	38	37	1	-9
Ps-Mož	1	3	4	4	0	-1
Ps-Pvl	0	2	2	2	0	0
Ps-Pvlž	0	1	1	1	0	0
Ps-Pž	27	77	104	89	15	-12
Reg-Pž	1	5	6	6	0	-1
St-Pž	1	8	9	9	0	-1
Ukupno:	40	125	165	149	16	-24

5. UPRAVNI REFERAT

Upravni spor predstavlja specifičnu vrstu sudske kontrole zakonitosti upravnih akata i zadiru u brojne sfere interesa fizičkih i pravnih lica zbog čega je rad na predmetima upravnog spora, koji spadaju u prvostepenu nadležnost ovog sudova, veoma značajan. Pored parničnog, na ovom referatu je bilo najviše predmeta u radu.

U izvještajnom periodu sud je imao u radu ukupno 609 predmeta upravnog spora (prenesena iz 2024. godine 143 i primljeno u izvještajnom periodu 466 predmeta). Ukupno je riješeno 460 predmeta, dok je 149 predmeta ostalo neriješeno, što je za 6 neriješenih predmeta više u odnosu na 2024. godinu.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
U-U	134	452	586	442	144	+10
U-R	2	0	2	2	0	-2
U-Uo	0	3	3	3	0	0
U-Uvl	1	1	2	1	1	0
U-Uvp	3	9	12	8	4	+1
U-Uz	3	1	4	4	0	-3
Ukupno:	143	466	609	460	149	+6

6. VANPARNIČNI REFERAT

Statistički pokazatelji na ovom referatu su slijedeći: od ukupno 485 predmeta u radu (92 predmeta su prenesena iz 2024. godine, a u 2025. godini su primljena 393 predmeta), u izvještajnom periodu je riješeno 429 predmeta, a 56 predmeta je ostala neriješena, što je u odnosu na 2024. godinu umanjeње za 36 neriješenih predmeta.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
O-Gž	5	21	26	24	2	-3
O-Gvl	1	1	2	2	0	-1
V-Gvl	0	2	2	1	1	+1
V-Gvlž	0	1	1	1	0	0
V-Gž	23	69	92	74	18	-5
V-V	63	298	361	326	35	-28
V-Mo	0	1	1	1	0	0
Ukupno:	92	393	485	429	56	-36

7. ZEMLJIŠNO-KNJIŽNI REFERAT

Statistički pokazatelji na ovom referatu su slijedeći: od ukupno 124 predmeta u radu (23 predmeta su prenesena iz 2024. godine, a u 2025. godini je primljen 101 predmet), u izvještajnom periodu su riješena 104 predmeta, a 20 predmeta nije riješeno, što je za 3 predmeta manje nego što je ostalo neriješenih predmeta na kraju 2024. godine.

Posmatrano po vrstama predmeta rezultat je slijedeći:

Faza	Preneseno	Primljeno	Ukupno u radu	Riješeno	Neriješeno	Razlika
Dn-Gž	18	85	103	86	17	-1
Dn-Pž	5	16	21	18	3	-2
Ukupno:	23	101	124	104	20	-3

8. APELACIJE

Od strane Ustavnog suda BiH u toku 2025. godine traženo je 50 odgovora na apelaciju i doneseno 40 odluka, od kojih je sud donio:

- 36 odluka kojima se **ne usvaja** apelacija i to tako da je u 31 predmetu apelaciju **odbacio**, a u 5 predmeta apelaciju **odbio**;
- 4 odluke kojima se apelacija **usvaja** i to tako da su dvije odluke ukinute, jedna zbog povrede prava na pravično suđenje i jedna zbog povrede prava na slobodu izražavanja, a u dvije odluke apelacija je usvojena zbog dužine trajanja postupka, jedna zbog povrede prava na pravično suđenje i jedna zbog povrede prava na imovinu.

U jednom predmetu određena je nakanda nematerijalne štete u iznosu od 2.000,00 KM, zbog kršenja prava na donošenje odluke u razumnom roku za šta je pripisana odgovoranost ovom sudu.

V - UZROCI KOJI SU DOVELI DO ZNAČAJNIJIH PROMJENA U BROJU RIJEŠENIH/NERIJEŠENIH PREDMETA

U odnosu na 2024. godinu, u 2025. godini je došlo do povećanja broja riješenih predmeta, a samim tim i do smanjenja broja neriješenih predmeta. Naime, u 2025. godini riješeno je 3247 predmeta, što je za 141 predmet više u odnosu na prethodnu godinu (3106 predmeta). Na kraju 2025. godine ostala su neriješena 592 predmeta, što je za 35 predmeta manje u odnosu na 2024. godinu (627).

Do boljih rezultata u ovoj godini došlo je većim angažmanom svih sudija, a što se može vidjeti i po visini ostvarene, kako pojedinačne norme sudaca tako i kolektivne norme suda.

VI - OSTVARENI REZULTATI U RADU NA STARIM PREDMETIMA

Starost predmeta ovog Suda kao prvenstveno drugostepenog suda, možemo posmatrati po dva kriterija: po godini formiranja predmeta u ovom Sudu i prema godini stvarnog početka, odnosno prema starosti inicijalnog akta.

Ukoliko analiziramo starost predmeta po kriteriju godine formiranja na ovom Sudu, pokazatelji su prikazani u slijedećoj tabeli:

Godina formiranja spisa	Preneseno iz ranijih godina	Primljeno u toku 2025. godine	Ukupno u radu	Riješeno u toku 2025. godine	Neriješeno na kraju 2025. godine
2025	0	3212	3212	2657	555
2024	589	0	589	578	11
2023	17	0	17	8	9
2022	6	0	6	1	5
2021	3	0	3	2	1
2020	1	0	1	0	1
2019	1	0	1	0	1
2015	1	0	1	0	1
2013	2	0	2	0	2
2008	1	0	1	0	1
2007	1	0	1	0	1
2006	1	0	1	0	1
2004	2	0	2	0	2
2002	1	0	1	0	1
2000	1	0	1	1	0
Ukupno:	627	3212	3839	3247	592

Važno je napomenuti da su najstariji predmeti formirani kod ovog suda 2015. godine i ranijih godina (ukupno 8 predmeta) ujedno i nerješivi predmeti iz krivične oblasti.

Prema kriteriju stvarnog početka, starosna struktura predmeta je prikazana u slijedećoj tabeli:

Godina inicijalnog akta	Preneseno iz ranijih godina	Primljeno u toku 2025. godine	Ukupno u radu	Riješeno u toku 2025. godine	Neriješeno na kraju 2025. godine
2025	0	1305	1305	1058	247
2024	238	651	889	770	119
2023	121	501	622	535	87
2022	98	265	363	330	33
2021	50	129	179	160	19
2020	18	77	95	84	11
2019	22	64	86	76	10
2018	14	34	48	40	8
2017	12	29	41	34	7
2016	6	33	39	30	9
2015	8	30	38	32	6
2014	2	16	18	12	6
2013	6	13	19	13	6
2012	7	10	17	14	3
2011	2	8	10	10	0
2010	6	10	16	13	3
2009	0	10	10	6	4
2008	1	4	5	5	0
2007	0	1	1	1	0
2006	0	4	4	3	1
2005	1	2	3	2	1
2004	0	4	4	3	1
2003	3	4	7	5	2
2002	1	1	2	0	2

2001	3	1	4	2	2
2000	2	2	4	2	2
1999	1	1	2	2	0
1998	1	0	1	0	1
1996	0	1	1	1	0
1995	1	0	1	0	1
1989	1	0	1	1	0
1985	1	2	3	2	1
1983	1	0	1	1	0
Ukupno:	627	3212	3839	3247	592

Kao što je već istaknuto, starosna struktura predmeta u ovom sudu u direktnoj je vezi sa starosnom strukturom predmeta na prvostepenim - općinskim sudovima, zbog čega se dešava da je već prilikom prijema prvostepenog predmeta na postupak odlučivanja po pravnom lijeku uveliko premašen „razuman rok“ za donošenje odluke.

1. REALIZACIJA PLANOVA RADA

Svi rješivi najstariji predmeti ovog suda, kako po datumu početka faze, tako i po starosti inicijalnog akta, uvrštavani su u Godišnji i Kvartalne planove rješavanja predmeta. Procent riješenosti predmeta iz godišnjeg plan suda je 99,44% dok je zbirna realizacija svih kvartalnih planova u toku 2025. godine 99,91%.

Godišnjim planom rješavanja prvostepenih predmeta u Kantonalnom sudu u Bihaću kao i revizijom tog plana obuhvaćena su ukupno 354 predmeta (388/2024) od kojih su riješena 352 predmeta ili 99,44%, a na kraju godine ostala su neriješeno 2 krivična predmeta iz Plana i to jedan iz 2023. godine i jedan predmet iz 2024. godine.

Ukupno 4 predmeta iz Plana označena su kao nerješiva.

Planom rješavanja predmeta Kantonalnog suda u Bihaću kroz četiri kvartala tokom 2025. godine obuhvaćeno je ukupno 1186 predmeta (1060/2024). Od navedenog broja u posmatranom periodu riješeno ih je 1185, što znači da samo jedan predmet (krivični predmet iz 2021. godine) nije riješen i da realizacija plana iznosi 99,91%.

Ukupno 5 predmeta iz kvartalnih planova označeno je kao nerješivo.

Broj predmeta obuhvaćenih Godišnjim planom Kantonalnog suda u Bihaću za period 01.01. do 31.12.2025.godine

Referat	Broj sudija u planu	Predmeti inicirani 2025.- 2024. g.	Predmeti inicirani 2023.- 2022. g.	Predmeti inicirani 2021.- 2020. g.	Predmeti inicirani 2019.- 2016. g.	Predmeti inicirani 2015.- 2011. g.	Predmeti inicirani 2010.i ranije g.	Ukupan broj predmeta
Krivični-K i Kps	7	16	8	2	1	-	1	28
Upravni-U i Uz	7	215	9	9	8	4	-	245
Vanparnični-V	4	76	5	-	-	-	-	81
U k u p n o:	11	307	22	11	9	4	1	354

Broj predmeta obuhvaćenih Kvartalnim planovima Kantonalnog suda u Bihaću za period 01.01. do 31.12.2025.godine

Referat	Broj sudija u planu	Predmeti inicirani 2025.- 2024. g.	Predmeti inicirani 2023.- 2022. g.	Predmeti inicirani 2021.- 2020. g.	Predmeti inicirani 2019.- 2016. g.	Predmeti inicirani 2015.- 2011. g.	Predmeti inicirani 2010.i ranije g.	Ukupan broj predmeta
Izvršni	9	9	30	25	33	21	18	136
Krivični-Kž i Kžk	4	35	81	20	4	3	-	143
Parnični	9	135	271	85	56	11	6	564
Prekršajni	2	71	45	-	1	-	-	117
Privredni	3	12	60	19	5	2	1	99
Upravni-Uvp	2	4	2	-	-	-	-	6
Vanparnični-Gž	7	13	20	12	10	5	4	64
Zemljišno-knjižni	7	29	13	7	1	6	1	57
U k u p n o:	13	308	522	168	110	48	30	1186

Realizacija plana rješavanja predmeta je predmet posebnog izvještaja u kome su, osim za ovaj kantonalni sud, dati podaci i za općinske sudove sa područja Unsko-sanskog kantona.

VII - NEDOVOLJAN BROJ PREDMETA U RADU

Iako iz godine u godinu ovaj Sud ima manji broj predmeta u radu, taj broj je još uvijek dovoljan da sve sudije imaju potreban broj predmeta u radu da bi ostvarili predviđenu mjesečnu i godišnju normu.

VIII - TRAJANJE POSTUPKA

Prema statistici trajanja predmeta po referatima i vrstama predmeta, u izvještajnom periodu je ukupno riješeno 3247 predmeta (po svim referatima) u prosječnom vremenskom trajanju od 68,78 dana.

Razvrstano po referatima, navedeni podatak izgleda ovako:

Referat	Broj riješenih predmeta	Prosječno trajanje (u danima)
Izvršni	238	57,61
Krivični	690	55,99
Parnični	795	81,13
Prekršajni	292	39,64
Privredni	149	65,17
Su-Āp	90	1,90
Upravni	460	108,97
Vanparnični	429	64,67
Zemljišno-knjižni	104	68,72
UKUPNO	3.247	68,78

Ukupna prosječna dužina trajanja postupka od 68,78 dana bila bi kraća da nije bilo nekoliko predmeta, prvenstveno iz krivične oblasti u kojim je dužina trajanja postupka bila znatno duža, pa je tako u jednom riješenom K-K predmetu iniciranom 2000. godine postupak je trajao 9.050 dana, u jednom riješenom predmetu iniciranom 2021. godine postupak je trajao 1461

dan, a u 2 riješena predmeta inicirana 2023. godine postupak je trajao ukupno 469 dana, u jednom riješenom predmetu K-Kžk iniciranom 2024. godine postupak je trajao 245 dana, a u jednom iniciranom u 2025. godini postupak je trajao 251 dan. Što se tiče ostalih vrsta predmeta, u jednom riješenom P-Gž predmetu iniciranom 2023. godine postupak je trajao 512 dana, u dva riješena predmeta U-U inicirana 2023. godine postupak je trajao ukupno 542 dana. Postupak u jednom riješenom V-V predmetu iniciranom u 2021. godini trajao je 1.302 dana, a u jednom predmetu iniciranom u 2022. godini postupak je trajao 1.098 dana.

Razlog za veću dužinu trajanja krivičnih predmeta je nedostupnost optuženih lica, a drugostepenih građanskih predmeta, kao i upravnih i vanparničnih predmeta je taj što su ti predmeti duži vremenski period bili neriješivi zbog određenih zakonskih i procesnih smetnji (vraćanje spisa prvostepenim sudovima radi otklanjanja nedostataka, nedostavljanje spisa tuženog organa, neuredna dostava strankama u inostranstvu i sl.)

1. PREDVIDIVI I OPTIMALNI ROKOVI

Na osnovu parametara danih u CMS-u: broj neriješenih predmeta, optimalni rok, broj sudaca, orijentaciona norma i vrijeme za zaostale predmete, ovaj je sud izradio Odluku o predvidivim rokovima za 2025. godinu.

U kontekstu praćenja vremena trajanja predmeta vršeno je i praćenje provođenja Odluke o poštivanju optimalnih i predvidivih rokova, kako slijedi:

Vrsta predmeta	Optimalni rok -dana-	Predvidivi rok -dana-	Ukupno u radu	Riješeno u optimalnom roku	Riješeno u predvidivom roku	Riješeno sa prekoračenjem predvidivog roka	Ukupno riješeno	Prosječno trajanje riješenih predmeta -dana-	Prosječno trajanje neriješenih predmeta -dana-
U-U	135	236	586	324	405	37	442	111	82
U-Uz	135	165	4	3	4	0	4	107	0
K-Kps	52	82	31	15	15	4	19	75	1799
K-K	88	204	68	8	18	18	36	491	1750
P-Gž	207	304	923	742	747	7	754	83	56
Ps-Pž	187	255	143	125	126	1	127	72	36
Mož	94	124	22	18	18	2	20	36	62
Reg-Pž	170	200	6	6	6	0	6	16	0
V-Gž	136	276	406	308	332	5	337	61	78
St-Pž	94	124	9	9	9	0	9	26	0
K-Kž	158	210	226	184	189	1	190	68	37
Pr-Pžp	70	100	301	232	264	18	282	41	29
Dn-Gž	136	166	103	77	80	6	86	66	61
Gvl/Pvl	104	134	234	23	24	3	27	56	36
U-Uyp	116	146	15	10	11	1	12	62	48
Gvlž/Pvlž	123	153	6	4	4	0	4	57	50
U-Uvl	116	146	2	1	1	0	1	77	2177
Ukupno			2797	1948	2134	126	2260	88	206

Kao što se može vidjeti u tabeli, velika većina predmeta riješena je optimalnom ili predvidivom roku a samo 126 predmeta od ukupno 2134 riješena predmeta (5,90%) riješeno je sa prekoračenjem predvidivog roka (prvostepeni krivični predmeti, prekršajni i upravni predmeti). Prosječno trajanje riješenih predmeta je 88 dana, a neriješenih predmeta 206 dana. Visok prosjek trajanja neriješenih predmeta od 206 dana posljedica je velik broj neriješenih predmeta po kojima sud već godinama ne može postupati. Radi se o prvostepenim krivičnim K i Kps predmetima jer je od ukupno 44 neriješena predmeta na kraju 2025. godine njih 19 je

neriješivo od kojih je 8 predmeta starije od 2015. godine, a čak 5 predmeta je starije i od 2008. godine, tako da je prosječno vrijeme neriješenih predmeta preko 1799 i 1750 dana očekivano. I pored raspisanih potjernica Sud ne može postupati po ovim predmetima jer su optužena lica nedostupna za vođenje krivičnog postupka. Pored ovih predmeta nekoliko godina nerješiv je i jedan U-Uvl predmet pa je prosječno trajanje ovog neriješenog predmeta 2177 dan.

I prosječno trajanje riješenih prvostepenih krivičnih predmeta je znatno duže od optimalnog i predvidivog roka. Razlog je u tome što je optimalni rok od 88 dana za K predmete suviše kratak jer nije realno očekivati da se složeni predmeti ratnog zločina, korupcije i organizovanog kriminala riješe u tako kratkom roku. Ni predvidivi rok od 204 dana nije dovoljan za najsloženije predmete jer suđenje traje i po nekoliko godina bez obzira na uložene napore sudija, a neki od predmeta su uz saglasnost VSTV-a uvršteni u dvogodišnje planove rješavanja predmeta.

Zbog svega navedenog trebalo bi preispitati izvještaje koje kreira VSTV a koji se odnose na poštivanje optimalnih i predvidivih rokova na način da nerješivi predmeti ne ulaze u izvještaj kao i da se poveća optimalni rok za rješavanje najsloženijih predmeta iz oblasti organizovanog kriminala i korupcije kao i ratnih zločina sa većim brojem optuženih lica.

IX - PREDMETI RATNIH ZLOČINA

Krivični predmeti ratnih zločina (K-RZ) su predmeti iz prvostepene nadležnosti ovog suda koji još uvijek imaju posebnu težinu i značaj.

Na kraju 2024. godine 7 predmeta ratnog zločina je ostalo neriješeno i prenesena su u 2025. godinu; u 2025. godini nije bilo novih predmeta, pa je ukupno u radu bilo 7 predmeta ratnih zločina od kojih su 3 riješena (dvije osuđujuće i jedna oslobađajuća presuda), dok su 4 predmeta ostala neriješena na kraju godine. Od 4 neriješena predmeta 3 predmeta su nerješiva, dva zbog nedostupnosti optuženih za kojim je raspisana potjernica, a u trećem predmetu je ponovo doneseno rješenje o prekidu postupka nakon vještačenja zdravstvenog stanja optuženog. U preostalom neriješenom predmetu suđenje je završeno u toku 2025. godine i objavljena je osuđujuća presuda koja je izrađena i otpremljena strankama u toku mjeseca januara 2026. godine.

Broj podignutih optužnica u predmetima ratnih zločina – Kps je slijedeći: preneseno iz 2024. godine - 7 predmeta; primljena u 2025. godini - 2 predmeta; ukupno u radu - 9 predmeta od kojih nije riješen ni jedan predmet jer je 7 prenesenih predmeta nerješivo zbog nedostupnosti optuženih dok su dva predmeta primljena u toku mjeseca decembra 2025. godine i nisu se mogla završiti do kraja godine. Na kraju 2025. godine ostala je neriješeno 9 predmeta, od kojih se u 7 predmeta ne može postupati zbog nedostupnosti optuženih za kojima je raspisana potjernica u 5 predmeta dok je u ostala 2 predmeta otežano postupanje jer se optužene nalaze u inostranstvu, uglavnom u SAD, pa se dostavljanje pismena obavlja putem zamolnice što ide dosta sporo.

U kontekstu rada na predmetima ratnih zločina komponenta psihološke podrške žrtvama i svjedocima u potpunosti je implementirana pa je psiholog u ovom sudu pružao stručnu pomoć određenom broju lica, kako žrtava kao oštećenih, tako i svjedoka pozvanih da pred sudom iznesu svoja sjećanja i iskustva vezana za ratna događanja, što je za većinu njih stresno i zahtijeva posebnu psihološku pripremu.

Na osnovu Uputstva za praćenje rada na predmetima ratnih zločina, a u skladu sa Pravilnikom o vremenskim okvirima za postupanje po predmetima u sudovima i tužilaštvima ovaj sud je bio u obavezi sačiniti Akcioni pregled K predmeta.

X - PREDMETI KORUPCIJE I ORGANIZOVANOG KRIMINALA

Što se tiče krivičnih djela protiv službene i druge odgovorne funkcije, radi lakše preglednosti predmete ćemo pratiti prema oznakama Kantonalnog tužilaštva, kako slijedi:

1. KTK - korupcija - iz 2024. godine preneseno je ukupno 5 predmeta, 4 predmeta za zloupotrebu položaja ili ovlaštenja (od kojih su 2 predmeta nerješiva zbog nedostupnosti nekih od optuženih koji su strani državljanima) i 1 predmet za pronevjeru u službi. U toku godine formirana su 2 nova predmeta i to razdvajanjem postupka za nedostupna lica. Od 7 predmeta ukupno u radu, 3 predmet su riješena (dva za zloupotreba položaja ili ovlaštenja od kojih je jedan predmet završen zbog apsolutne zastare i jedan predmet pronevjere u službi) dok su 4 predmeta neriješena na kraju 2025. godine, svi za zloupotrebu položaja ili ovlaštenja (od kojih su 2 predmeta nerješiva zbog nedostupnosti optuženih koji su strani državljanima);
2. KTKV - visoki nivo korupcije - iz 2024. godine prenesena su 3 predmeta visokog nivoa korupcije zbog krivičnog djela zloupotreba položaja ili ovlaštenja. U toku godine nije bilo novih predmeta i sva tri predmeta su riješena u toku 2025. godine.
3. KTO - organizovani kriminal - iz 2024. godine prenesena su 4 predmeta za krivično djelo organizovani kriminal kriminala (1 u vezi sa prevarom u privrednom poslovanju, 1 u vezi sa zloupotrebom položaja, 1 u vezi sa neovlaštenom proizvodnjom i stavljanjem u promet opojnih droga, a 1 razdvojeni predmet u vezi sa krivičnim djelom krivotvorenje isprave). U toku 2025. godine primljen je 1 predmet u vezi sa neovlaštenom proizvodnjom i stavljanjem u promet opojnih droga. Od 5 predmeta ukupno u radu, 2 predmeta su riješena u toku godine (jedan za neovlaštenu proizvodnju i stavljanje u promet opojnih droga sklapanjem sporazuma o priznanju krivnje, a drugi predmet koji je ranije razdvojen je ponovo spojen sa ranijim predmetom). Na kraju godine ostala su neriješena 3 predmeta organizovanog kriminala (1 u vezi sa prevarom u privrednom poslovanju, 1 u vezi sa zloupotrebom položaja i 1 u vezi sa neovlaštenom proizvodnjom i stavljanjem u promet opojnih droga) od kojih su zbog složenosti 2 predmeta uvrštena u dvogodišnji plan rješavanja predmeta;
4. KTOV - organizovani kriminal visokog nivoa - iz 2024. godine prenesen je 1 predmet (u vezi sa krivičnim djelom zloupotreba položaja ili ovlaštenja) dok u toku 2025. godine nije bilo novih predmeta. Predmet nije riješen u toku godine tako da je prenesen u 2026. godinu. Radi se o veoma složenom i obimnom predmetu koji je uvršten u dvogodišnji plan rješavanja predmeta;
5. KTPO - privredni kriminal - 1 predmet za krivično djelo zloupotreba položaja ili ovlaštenja iz ove oblasti prenesen je iz 2024. godine dok je 1 predmet za poreznu utaju primljen u toku 2025. godine. Preneseni predmet je riješen u toku godine dok je novoprimljeni predmet ostao neriješen na kraju 2025. godine

Dakle, od ukupno 18 predmeta koji su bili u radu u toku 2025. godine, 9 predmeta je riješeno, dok je 9 predmeta ostalo neriješeno (2 predmeta su nerješiva) tako da će se u 7 predmeta postupak voditi u toku 2026. godine jer je malo vjerovatno da će u toku godine sud moći postupati po trenutno nerješivim predmetima.

I u toku 2025. godine dat je prioritet rješavanju ove vrste predmeta i rezultati su bolji nego prethodne godine. Naime, riješeno je 9 predmeta (u 2024. godini 4 predmeta) pa je na kraju godine ostao i manji broj neriješenih predmeta - 9 (na kraju 2024. godine 14). Razlog što rezultati nisu još bolji je taj što se radi o veoma složenim predmetima sa većim brojem optuženih. Dva predmeta su 2025. godine uvrštena u dvogodišnji plan rješavanja predmeta dok su još dva predmeta bila uvrštena u dvogodišnji plan za 2024. godinu.

Kako je u toku 2025. godine formiran Posebni odjel Vrhovnog suda Federacije Bosne i Hercegovine za korupciju, organizovani i međukantonalni kriminal koji će postupati po najsloženijim predmetima iz ovih oblasti, može se očekivati da će broj neriješenih predmeta iz nadležnosti ovog suda na kraju 2026. godine biti još manji nego na kraju 2025. godine.

XI - ZASTARA PREDMETA

Tokom izvještajnog perioda u ovom sudu je u jednom predmetu došlo do apsolutne zastare krivičnog gonjenja za dvije tačke optužbe.

Dana 02.06.2025. godine donesena je Presuda broj 01 0 K 000149 00 K kojom je za dvije tačke optužba odbijena zbog nastupanja zastarjelosti, a u vezi optužnica Kantonalnog tužilaštva USK broj KT-13/98 od 05.09.2000. godine protiv optuženih Saman A Hussena i Baljak Nihada zbog krivičnog djela Zloupotreba položaja ili ovlasti iz člana 358. stav 3. ranijeg KZ F BiH i krivičnog djela Zloupotreba ovlasti u gospodarstvu iz člana 259. stav 2. ranijeg KZ F BiH i optužnice broj KT-62/99 od dana 25.12. 2000. godine protiv optuženog Jašarević Tarika zbog krivičnog djela Zloupotreba položaja ili ovlasti iz člana 358. stav 3. ranijeg KZ F BiH i krivičnog djela Zloupotreba ovlasti u gospodarstvu iz člana 259. stav 2. ranijeg KZ F BiH obje optužnice spojene Rješenjem ovog Suda broj Kv 22/01 od 14.02.2001. godine.

Za jednim od optuženih i to Saman A Hussen je raspisana međunarodna potjernica, po naredbi ovoga suda broj K-34/00 od 03.03.2005. godine, a druga dva optužena i to Baljak Nihad i Jašarević Tarik su bili dostupni ovom Sudu, te je stoga zakazan glavni pretres, a kako su se isti odazvali u pratnji branilaca po izboru, razdvojen je postupak Rješenjem o razdvajanju krivičnog postupka broj 01 0 K 000149 00 dana 18.02.2025. godine, te je pod brojem 01 0 K 000149 00 K vođen i pravosnažno okončan postupak protiv Baljak Nihada i Jašarević Tarika, dok se pod novim brojem 01 0 K 020812 25 K i dalje vodi postupak protiv nedostupnog, optuženog Saman A Hussena.

Trend nastupanja zastara u odnosu na prethodnu godinu je manji jer je u toku 2024. godine u tri predmeta došlo do apsolutne zastare krivičnog gonjenja, a u jednom predmetu do apsolutne zastare izvršenja kazne.

Za ovaj predmet je u CMS-u je evidentiran način završetka „Odluka o meritumu“ iz razloga što je zastara nastupila za dvije tačke optužbe dok je za preostale dvije tačke optužbe odlučeno u meritumu (optuženi su oslobođeni od optužbe) o čemu je VSTV BiH blagovremeno obaviješten od strane postupajućeg sudije putem predsjednika suda.

XII - ZAKLJUČNA ZAPAZANJA O RADU I USLOVIMA RADA SUDA U 2025. GODINI

Generalno gledano, sud može biti zadovoljan sa rezultatima rada ovog suda u 2025. godini jer je ostvarena kolektivna norma od 125,03%, kvalitet sudskih odluka je 88,99%, realizacija godišnjeg plana rješavanja predmeta iznosi 99,64% a kvartalnih planova od 99,91%. Ovi rezultati su po svim parametrima bolji u odnosu na 2024. godinu. Takođe, u ovoj godini riješen je veći broj predmeta (3247) od broja primljenih predmeta (3212) za 33 predmeta što iznosi 101,90% riješenosti priliva predmeta.

Sud ostvaruje dobru saradnju sa medijima kroz neposredne kontakte ili na način da im se omogućuje praćenje toka krivičnih postupaka za koje javnost pokazuje najveći interes.

Osim toga, rad suda je učinjen dostupnim putem internet stranice suda na kojoj se redovno objavljuju anonimizirane pravosnažne presude u predmetima od javnog interesa i ostale informacije od značaja za javnost.

Stranke nakon što dobiju Jedinstveni pristupni kod-JPK, mogu neposredno vršiti uvid u sudske predmete u kojima imaju taj status (izuzetak su krivični predmeti).

XIII - PRIMJENA SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA

U cilju primjene Smjernica za prevenciju seksualnog i rodno zasnovanog uznemiravanja u pravosudnim institucijama u BiH, Sud je dana 01.07.2015. godine za savjetnika za prevenciju seksualnog i rodno utemeljenog uznemiravanja, na period od četiri godine i produženjem mandata na još četiri godine, te ponovnim imenovanjem 14.03.2024. godine, imenovao zaposlenicu ovog Suda koja je postavljena na radno mjesto stručne savjetnice-psihologa. Savjetnica je već ranije prošla specijalizovanu obuku za savjetnike u organizaciji Centra za edukaciju sudija i tužilaca u F BiH.

Na službenoj web stranici suda postavljene su Smjernice za prevenciju seksualnog i rodno zasnovanog uznemiravanja u pravosudnim institucijama u BiH, te su na taj način Smjernice dostupne strankama i zaposlenicima Suda u elektronskoj formi.

U izvještajnom periodu u ovom sudu nije bilo prijavljenih slučajeva seksualnog i rodno zasnovanog uznemiravanja, te samim tim nije poduzeta nijedna interna mjera na prevenciji istog. O svom radu savjetnica podnosi redovne godišnje izvještaje Visokom sudskom i tužilačkom vijeću.

XIV - AKTIVNOSTI PODUZETE U CILJU IMPLEMENTACIJE STRATEGIJE ZA UNAPREĐENJE RODNE RAVNOPRAVNOSTI U PRAVOSUĐU BIH I POSTIGNUTI REZULTATI

Kantonalni sud u Bihaću je 30.01.2025. godine donio Akcioni plan za unapređenje rodne ravnopravnosti u Kantonalnom sudu u Bihaću broj: 001-0-Su-25-000087, a koji je prethodno odobren od strane VSTV-a.

Sa donesenim Akcionim planom, putem e-maila, upoznati su svi zaposlenici suda.

Kao strateški ciljevi u Sudu određeni su:

1. Unapređenje znanja i nivoa svijesti o pojmu roda, rodnim normama, metodi gender mainstreaming-a, rodnoj ravnopravnosti i jednakom pristupu pravdi;
2. Obezbjediti da radnim procesima budu obuhvaćena pitanja rodne ravnopravnosti i jednakog prisustva pravdi;
3. Obezbjediti da se sva lica koja dođu u kontakt sa Kantonalnim sudom u Bihaću tretiraju na jednak način i imaju jednak pristup pravdi bez obzira spol i/ili rod;
4. Obezbjediti da sva lica koja dolaze u kontakt sa Kantonalnim sudom u Bihaću imaju visok nivo povjerenja u pravosude, bez obzira na spol i/ili rod.

U realizaciji zadataka koji su ovim Akcionim planom planirani da se u ovom izvještajnom periodu provedu, između ostalog Sud je :

- proveo internu edukaciju zaposlenika suda na temu rodne ravnopravnosti. Ovu edukaciju provela je stručna savjetnica-psiholog ovog Suda.

- redovno se ažurira Web stranica Suda u polju rodne ravnopravnosti,
- u svim aktima koja se donose kao i u aktima koja se objavljuju na službenoj web stranici Suda, kada je god to moguće, koriste se oba spola (optuženi/optužena; osumnjičeni/osumnjičena; sudija/sutkinja), odnosno spol na koji se konkretni akt/informacija odnosi.

Ovim aktivnostima podignuta je svijest zaposlenika o prevenciji rodno zasnovanog i seksualnog nasilja u Sudu, kao i o proceduri prijavljivanja. U toku 2025. godini nitko se od zaposlenih nije obratio savjetnici (ni usmeno ni pismeno) radi prijave izloženosti nekom neželjenom ponašanju na radnom mjestu. Takođe, nije primjećeno nikakvo neželjeno ponašanje u relacijama i svakodnevnoj komunikaciji između zaposlenika koje bi upućivalo na eventualnu prisutnost nekog od oblika seksualnog i rodno zasnovanog uznemiravanja, niti je bilo ikakvih primjedbi ili pritužbi od strane stranaka koje dolaze u Sud.

S tim u vezi, u izvještajnom periodu nije ni bilo potrebe da se provode interne procedure za prevenciju seksualnog ili rodno zasnovanog uznemiravanja.

XV - INFORMACIJA O ODRŽANIM SASTANCIMA SA NOTARIMA

Kao drugostepeni sud, ovaj sud nije imao potrebu da održi sastanke sa notarima sa ciljem smanjenja broja i trajanja neriješenih ostavinskih predmeta.


XVI - PLANIRANE MJERE ZA POBOLJŠANJE

Kako je već u više navrata navedeno, rezultati rada suda su dobri ali ima dosta prostora za napredovanje, prvenstveno u podizanju kvaliteta rada.

Da bi ciljevi ovog suda bili ostvareni potrebna je, prije svega i unatoč svemu, odgovarajuća motivacija sudaca i njihov još veći angažman u radu na predmetima.

Da bi rezultati rada suda bili bolji, poduzeće se slijedeće mjere:

- izvršiti raspored predmeta i referata po sucima, u skladu sa pokazateljima iz prethodne godine, a poštujući uputstva za izradu plana rješavanja predmeta;
- kontinuirano pratiti realizaciju rješavanja predmeta iz plana mjesečno, što je obaveza predsjednika odjeljenja, a tromjesečno na sjednicama stručnog kolegija;
- protiv sudaca za koje se na kraju prvog tromjesečja utvrdi da nisu riješili najstarije predmete odmah poduzeti odgovarajuće mjere;
- posebnu pažnju posvetiti predmetima koji se ponavljaju u planovima;
- pratiti predvidive rokove i predmete za koje se utvrdi da nisu riješeni u tim rokovima;
- na sjednicama krivičnog i građanskog odjeljenja raspravljati o mjerama koje je potrebno preduzeti da se poboljšaju ukupni rezultati rada odjeljenja i kvalitet sudskih odluka;
- raditi na finansijskoj stabilizaciji suda i u tom smislu pojačati saradnju sa resornim ministarstvima.



PREDSEDNICA SUDA:
Fata Nadarević